

Bosna i Hercegovina
Federacija Bosne i Hercegovina
TUZLANSKI KANTON
OPĆINA GRAČANICA
OPĆINSKO VIJEĆE

Broj predmeta: 01-05-03548-2015
Broj akta: 05EN-001
Gračanica, 30.11.2015.godine

Na osnovu člana 223. Zakona o upravnom postupku Federacije BiH ("Sl. novine Federacije BiH, broj: 2/98 i 48/99) i člana 112. Statuta Općine Gračanice ("Sl. glasnik Općine Gračanica", broj: 4/09), Općinsko vijeće Gračanica na sjednici održanoj 30.11.2015.g. godine, d o n o s i

ODLUKU

o obrazovanju i imenovanju Drugostepene komisije Općine Gračanica

Član 1.

Obrazuje se Drugostepena komisija Općine Gračanica u sastavu:

1. Tukulj Dženana, dipl. pravnik – predsjednik,
2. Buljubašić Alma, dipl. pravnik – potpredsjednik,
3. Širbegović Nihada, dipl. pravnik – član,
4. Djedović Sead, dipl. pravnik- član,
5. Subašić Nerminka, dipl. pravnik – član.

Član 2.

Komisija iz člana 1. ove Odluke rješava u drugom stepenu protiv prvostepenih akata Općinskog načelnika i Općinskog vijeća donesenih na osnovu propisa Općinskog vijeća i Općinskog načelnika.

Rješavajući o žalbi Komisija primjenjuje odredbe Zakona o upravnom postupku Federacije BiH.

Član 3.

Komisijom rukovodi predsjednik. U slučaju odsustva predsjednika komisijom rukovodi potpredsjednik ili jedan od članova Komisije.

Član 4.

Stupanjem na snagu ove Odluke prestaje da važi Odluka o obrazovanju Drugostepene komisije Općine Gračanica, broj 01-5-3611/03 od 01.12.2003. godine i broj: 01-05-8387/07 od 27.09.2007. godine.

Član 5.

Ova Odluka stupa na snagu danom objavljivanja u „Službenom glasniku Općine Gračanica“.

PREDSJEDAVAJUĆI
OPĆINSKOG VIJEĆA
mr.sc. Edin Ibrišević, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-03567-2015
Broj akta: 05EN-001
Gračanica, 30.11.2015.godine

Na osnovu člana 16. i člana 108. Statuta Općine Gračanica ("Službeni glasnik Općine Gračanica", broj: 4/09) i člana 89. Poslovnika Općinskog vijeća Općine Gračanica ("Službeni glasnik Općine Gračanica", broj: 6/14), Općinsko vijeće Gračanica na sjednici održanoj dana 30. 11. 2015. godine, d o n o s i

Z A K L J U Č A K

I

Odluka o utvrđivanju platnih razreda i koeficijenata za plaće, dodataka plaće i naknada plaće uposlenika Općine Gračanica se vraća predlagачu na ponovnu obradu uz stav

- da u narednih deset dana Komisija za propise i Statut, izbor i imenovanje, općinska priznanja i obilježavanje značajnih događaja i ličnosti, Kolegij Općinskog vijeća, sindikat i predlagач Odluke istu izdefinišu i usaglašenu predlože vijeću.

II

Zaključak stupa na snagu danom objavljivanja u „Službenom glasniku Općine Gračanica“.

PREDSJEDAVAJUĆI
OPĆINSKOG VIJEĆA
mr. sc. Edin Ibrišević, s.r

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-03570-2015
Broj akta: 05EN-001
Gračanica, 30.11.2015.godine

Na osnovu člana 16. i člana 108. Statuta Općine Gračanica ("Službeni glasnik Općine Gračanica", broj: 4/09) i člana 89. Poslovnika Općinskog vijeća Općine Gračanica ("Službeni glasnik Općine Gračanica", broj: 6/14), Općinsko vijeće Gračanica na sjednici održanoj dana 30. 11. 2015. godine, d o n o s i

Z A K L J U Č A K

I

Prihvata se Izvještaj o provođenju Odluke o javnim parkiralištima na području općine Gračanica s programom upravljanja parking prostorima za period 2016.-2020.godine, uz stav

- da se u što kraćem roku održi sastanak Općinskog načelnika, nadležnih službi i predstavnika boračkih organizacija i pokrene aktivnost za donošenje konačne odluke o nosiocima naplate parking prostora puštanjem parkomata u funkciju i stavi na dnevni red sjednice Vijeća u narednom periodu.

II

Zaključak stupa na snagu danom objavljivanja u „Službenom glasniku Općine Gračanica“.

PREDSJEDAVAJUĆI
OPĆINSKOG VIJEĆA
mr. sc. Edin Ibrišević, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-03561-2015
Broj akta: 05EN-001
Gračanica, 30.11.2015.godine

Na osnovu člana 16. i člana 108. Statuta Općine Gračanica ("Službeni glasnik Općine Gračanica", broj: 4/09) i člana 89. Poslovnika Općinskog vijeća Općine Gračanica ("Službeni glasnik Općine Gračanica", broj: 6/14), Općinsko vijeće Gračanica na sjednici održanoj dana 30. 11. 2015. godine, d o n o s i

Z A K L J U Č A K

I

Usvaja se Izvještaj o provođenju Lokalnog akcionog plana zaštite životne sredine (LEAP) Općine Gračanica 2012-2017 za 2014.godinu.

II

Zaključak stupa na snagu danom objavljivanja u „Službenom glasniku Općine Gračanica“.

PREDSJEDAVAJUĆI
OPĆINSKOG VIJEĆA
mr. sc. Edin Ibrišević, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-03617-2015
Broj akta: 05EN-001
Gračanica, 30.11.2015.godine

Na osnovu člana 16. i člana 108. Statuta Općine Gračanica ("Službeni glasnik Općine Gračanica", broj: 4/09) i člana 89. Poslovnika Općinskog vijeća Općine Gračanica ("Službeni glasnik Općine Gračanica", broj: 6/14), Općinsko vijeće Gračanica na sjednici održanoj dana 30. 11. 2015. godine, d o n o s i

Z A K L J U Č A K

I

Prihvata se Informacija o stanju putne infrastrukture na području općine Gračanica uz stavove:

- Informaciju dopuniti u zaključcima i prijedlogu mjera sa problemom raskrsnica u Donjoj Orahovici (put prema Srebreniku) i raskrsnice u Stjepan Polju-skretanje prema selu.
- Posebno istaknuti problem velikog klizišta na regionalnom putu R 460 Gračanica-Bukva, iza skretanja za Škahovicu.
- Informacijom obuhvatiti puteve u MZ Gornji Doborovci, Piragići, Begovići, Jukići i Kovačevići.
- Da se izmijeni naziv lokalne ceste Soko-Guvna-Oštrikovac-Durakovići (naselja Durakovići u Sokolu nema).

II

Narednu Informaciju raditi prema novoj kategorizaciji puteva, uz obavezu da ista sadrži parametre (horizontalnu i vertikalnu signalizaciju, saobraćajni znak za svaki put, a u saradnji sa predsjednicima Vijeća mjesnih zajednica obaviti razgovor i izlazak na lice mjesta.

III

U izradu naredne Informacije o stanju putne infrastrukture obavezno uključiti već formiranu Komisiju za saobraćaj čiji je to posao.

Rok za izradu Informacije kraj februara 2016.godine.

IV

Na osnovu ove Informacije i nove kategorizacije puteva Služba treba za narednu godinu predložiti plan i program ljetnog i zimskog održavanja putne infrastrukture na području općine Gračanica koji će odobriti Općinsko vijeće.

V

Zaključak stupa na snagu danom objavljivanja u „Službenom glasniku Općine Gračanica“.

PREDSJEDAVAJUĆI
OPĆINSKOG VIJEĆA
mr. sc. Edin Ibrišević, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-03560-2015
Broj akta: 05EN-001
Gračanica, 30.11.2015.godine

Na osnovu člana 16. i člana 108. Statuta Općine Gračanica ("Službeni glasnik Općine Gračanica", broj: 4/09) i člana 89. Poslovnika Općinskog vijeća Općine Gračanica ("Službeni glasnik Općine Gračanica", broj: 6/14), Općinsko vijeće Gračanica na sjednici održanoj dana 30. 11. 2015. godine, d o n o s i

Z A K L J U Č A K

I

Prihvata se Informacija o realizaciji projekta „Regionalna sanitarna deponija Doboje“.

II

Zaključak stupa na snagu danom objavljivanja u „Službenom glasniku Općine Gračanica“.

PREDSJEDAVAJUĆI
OPĆINSKOG VIJEĆA
mr. sc. Edin Ibrišević, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj: 01-31-5766-1/09
Gračanica, 30.11.2015.god.

Na osnovu člana 24. Zakona o građevinskom zemljištu ("Sl. novine F BiH", broj: 25/03 i 16/04), člana 200. Zakona o upravnom postupku ("Sl. novine F BiH", broj: 2/98 i 48/99) i člana 16. Statuta Općine Gračanica ("Sl. glasnik Općine Gračanica", broj: 4/09) Općinsko vijeće Gračanica, na sjednici održanoj dana 30.11.2015.god., d o n o s i

R J E Š E N J E

1. PREUZIMA se iz posjeda ranijeg korisnika neizgrađeno gradsko građevinsko zemljište označeno sa:

-399/33 «Vuknić» oranica od 227,0m² upisano u z.k. ul. broj: 4359 k.o. Gračanica kao Državna svojina sa privremenim pravom korištenja Semke Čubrilović udt. Mujkić iz Gračanice sa 1/1, po novom premjeru k.č. broj: 4752/18 „Vuknić“ njiva od 227,0m² upisano u p.l. broj: 2528 k.o. Gračanica katastarskog korisnika Mujkić Halila Semke rod. Čubrilović.

Preuzimanje zemljišta vrši se radi privođenja zemljišta namjeni, izgradnji pristupnog puta.

2. Za preuzeto zemljište ranijem korisniku pripada pravo na naknadu, koja će se odrediti u posebnom postupku, nakon pravosnažnosti rješenja.

3. Po pravosnažnosti rješenja o preuzimanju zemljišta Služba za prostorno uređenje, geodetske i imovinsko-pravne poslove Općine Gračanica i Zemljišno-knjižni ured Općinskog suda u Gračanici izvršit će uknjižbu nekretnina iz tačke 1. dispozitiva rješenja kao Državna svojina sa pravom korištenja Općina Gračanica.

O b r a z l o ž e n j e

Po službenoj dužnosti pokrenut je postupak preuzimanja neizgrađenog građevinskog zemljišta u k.o. Gračanica radi privođenja zemljišta namjeni.

Imovinsko-pravna služba je provela postupak i utvrdila sljedeće:

- Odlukom o određivanju zemljišta na području Općine Gračanica koja se smatraju građevinskim zemljištem i postaju društvena svojina, ("Sl. glasnik Općine Gračanica", broj: 3-a/77 od 29.04.1977.godine), obuhvaćeno je i zemljište opisano u tački 1. dispozitiva rješenja;

- ispunjen je uslov propisan članom 24.stav 1. Zakona o građevinskom zemljištu, odnosno u postupku preuzimanja zemljišta saslušana je Mujkić Semka koja je izjavila da je saglasna da se navedeno zemljište preuzme iz njenog posjeda, uz naknadu.

Stav 1. dispozitiva rješenja temelji se na odredbi člana 24. Zakona o građevinskom zemljištu kojim je regulisano da Općinsko vijeće donosi rješenje o preuzimanju iz posjeda ranijih korisnika neizgrađeno gradsko građevinsko zemljište radi privođenja trajnoj namjeni, odnosno radi uređenja za građenje.

Stav 2. dispozitiva rješenja zasnovan je na članu 69. Zakona o građevinskom zemljištu prema kojem raniji vlasnik neizgrađenog gradskog građevinskog zemljišta koje je preuzeto iz njegovog posjeda ima pravo na naknadu, a naknada se određuje i isplaćuje po odredbama Zakona o eksproprijaciji F BiH.

Sastavni dio ovog rješenja bit će zapisnik o sporazumnom određivanju naknade.

S obzirom da su ispunjeni uslovi propisani Zakonom, odlučeno je kao u dispozitivu ovog rješenja.

PRAVNA POUKA: Protiv ovog rješenja ne može se izjaviti žalba ali se može pokrenuti upravni spor. Upravni spor se pokreće podnošenjem tužbe kod Kantonalnog suda u Tuzli u roku od 30 dana od dana prijema ovog rješenja.

PREDSJEDAVAJUĆI
OPĆINSKOG VIJEĆA
mr.sc. Edin Ibrišević, s.r.

Bosna i Hercegovina
Federacija Bosne i Hercegovine
Tuzlanski kanton
OPĆINA GRAČANICA
OPĆINSKI NAČELNIK

Broj: 02-14-03392-2015

Datum: 16.11.2015.godine

Na osnovu člana 36.Statuta Općine Gračanica (“Službeni glasnik Općine Gračanica”, broj: 4/09), člana 13.Odluke o izvršavanju budžeta Općine Gračanica za 2015.godinu (“Službeni glasnik Općine Gračanica”, broj: 12/14), člana 49.Zakona o budžetima Federacije BiH (“Službene novine Federacije BiH”, broj: 102/13, 9/14, 13/14, 8/15), Općinski načelnik donosi

ODLUKU

o usmjeravanju neplaniranih grantova/donacija u budžet Općine Gračanica za 2015. godinu

Član 1.

Odobrava se usmjeravanje namjenskih sredstava u Budžet Općine Gračanica za 2015.godinu na ime programa.

“-“Ekonomsko osnaživanje socijalno i materijalno marginaliziranih osoba kroz proizvodnju povrća u plastenicima”, organizovanog na principima međusobne saradnje i koofinansiranja Općine Gračanica, Muslim Aid-a i korisnika plastenika.Učešće sredstava korisnika programa iznose 9.800 KM.

Član 2.

Sredstva iz člana 1. ove Odluke usmjeravaju se u Budžet Općine Gračanica za 2015.godinu u dijelu plana prihoda, na ekonomskom kodu 733 111 – donacije od fizičkih lica u iznosu od 9.8000 KM.

Za iznos iz tačke 1. ove Odluke izvršit će se povećanje plana rashoda i izdataka u iznosu od 9.800 KM, uvećanjem budžetske stavke:

-Podsticaji u poljoprivredi, ekonomski kod 614 329-5, u iznosu od 9.800 KM.

Član 3.

Za realizaciju ove Odluke zadužuje se Služba za poduzetništvo, lokalni razvoj i finansije.

Član 4.

Odluka stupa na snagu danom donošenja i objavit će se u “Službenom glasniku Općine Gračanica”.

OPĆINSKI NAČELNIK
Nusret Helić, s.r.

Bosna i Hercegovina
Federacija Bosne i Hercegovine
Tuzlanski kanton
OPĆINA GRAČANICA
OPĆINSKI NAČELNIK

Broj: 02-14-02942-2015

Datum: 14.10.2015.godine

Na osnovu člana 36.Statuta Općine Gračanica ("Službeni glasnik Općine Gračanica", broj: 4/09), člana 13.Odluke o izvršavanju budžeta Općine Gračanica za 2015.godinu ("Službeni glasnik Općine Gračanica", broj: 12/14), člana 49.Zakona o budžetima Federacije BiH ("Službene novine Federacije BiH", broj: 102/13, 9/14, 13/14, 8/15), Općinski načelnik donosi

ODLUKU

o usmjeravanju neplaniranih grantova/donacija u budžet Općine Gračanica za 2015. godinu

Član 1.

Odobrava se usmjeravanje namjenskih sredstava u Budžet Općine Gračanica za 2015.godinu na ime programa.

-“Izgradnje saobraćajnice koja povezuje magistralni put M4 i sočkovački put u MZ Gračanica” dodjeljene na osnovu ugovora broj: 02-05-02561-2-2015 i 004/10/15 od 01.10.2015.godine od Ureda Helvetas Swiss Intercooperation u BiH-Market Makers sa sjedištem u Sarajevu.

Član 2.

Sredstva iz člana 1. ove Odluke usmjeravaju se u Budžet Općine Gračanica za 2015.godinu u dijelu plana prihoda, na ekonomskom kodu 731 121-1 – primljeni grantovi od međunarodnih organizacija u iznosu od 165.235 KM.

Za iznos sredstava iz tačke 1. ove Odluke izvršit će se povećanje plana rashoda i izdataka u iznosu od 165.235 KM, uvrštavanjem budžetske stavke:

-Izgradnja saobraćajnice koja povezuje magistralni put M4 i Sočkovački put u MZ Gračanica, ekonomski kod 821 222 – 1 u iznosu od 165.235 KM.

Član 3.

Za realizaciju ove Odluke zadužuje se Služba za poduzetništvo, lokalni razvoj i finansije.

Član 4.

Odluka stupa na snagu danom donošenja i objavit će se u “Službenom glasniku Općine Gračanica”.

OPĆINSKI NAČELNIK
Nusret Helić, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKI NAČELNIK

Broj: 02-14-03441-2015
Datum, 23.11.2015.godine

Na osnovu člana 25. Zakona o računovodstvu i reviziji u FBiH („Sl.novine FBiH“ broj 83/09), člana 67.Pravilnika o knjigovodstvu budžeta u Federaciji Bosne i Hercegovine („Sl.novine FBiH“ broj 60/14), člana 4.Pravilnika o provođenju popisa u Općini Gračanica ("Službeni glasnik Općine Gračanica“ broj 12/2014) i člana 36.Statuta Općine Gračanica ("Službeni glasnik Općine Gračanica“ broj 4/2009) Općinski načelnik d o n o s i

O D L U K U **O PROVOĐENJU REDOVNOG GODIŠNJEG POPISA I FORMIRANJU** **POPISNIH KOMISIJA ZA POPIS NA DAN 31. 12. 2015. GODINE**

Član 1.

Sa stanjem na dan **31. 12. 2015.godine** izvršit će se redovan popis sredstava i izvora sredstava.

Organizacijom popisa rukovodit će Centralna popisna komisija.

Član 2.

Za obavljanje popisa imenuju se slijedeće popisne komisije:

- a) centralna popisna komisija
- b) komisije za popis sredstava (osim informatičke opreme) u općinskim službama,
- c) komisija za popis informatičke opreme u Općini,
- d) komisija za popis sitnog inventara Općini,
- e) komisija za popis zemljišta i šuma, zgrada, puteva, mostova, parkova, itd.
- f) komisiju za popis opreme, repromaterijala i rezervnih dijelova Civilne zaštite i Vatrogasne jedinice,
- g) komisija za popis sredstava (osim informatičke opreme),zaliha robe u objektu Sportske sale i
- h) komisija za popis novčanih sredstava, potraživanja, razgraničenja,obaveza i izvora sredstava.

Član 3.

Komisije za popis pod a,c,d,g,h imenuje Općinski načelnik a Komisije za popis pod b,e,f, imenuju šefovi dotičnih službi do **05.12.2015.godine**.

Fizički dio popisa obaviti će se u vremenu od **14.12.2015.godina** pa do **31.12.2015.godine**.

Član 4.

Za izradu svih izvještaja,određuje se rok popisnim komisijama (b,c,d,e,f,g) do **18.01.2016.godine**, kada su obavezne dostaviti izvještaj sa popisnim listama Centralnoj popisnoj komisiji.

Centralna popisna komisija je obavezna da do **31.01.2016.godine** izradi Elaborat o izvršenom popisu i dostavi ga Općinskom načelniku na usvajanje.

Član 5.

Centralna popisna komisija, Odluku o usvajanju Elaborata o izvršenom popisu, Odluku o načinu knjiženja viškova i manjkova, Odluku o otpisu materijalnih sredstava, potraživanja i obaveza, Odluku o rashodovanju dotrajalih i neupotrebljivih sredstava i dr. dostavlja općinskom Načelniku na razmatranje i usvajanje.

Elaborat i Odluke ovjerene od strane Općinskog načelnika, svoj Zapisnik i popisne liste Centralna popisna komisija dostavlja u Računovodstvo do **08.02.2016.gdine** na knjiženje.

Član 6.

Ova Odluka stupa na snagu danom donošenja i bit će objavljena u „Službenom glasniku Općine Gračanica“

Dostavljeno:

1. Šefovima službi,
2. Računovodstvu i
3. Arhivi

OPĆINSKI NAČELNIK
Nusret Helić, s.r.

Bosna i Hercegovina
Federacija Bosna i Hercegovina
Tuzlanski kanton
OPĆINA GRAČANICA
OPĆINSKI NAČELNIK

Broj:02-14-03417-2015
Dana, 19.11.2015.godine

Na osnovu Uputstva o otvaranju i zatvaranju računa kod ovlaštenih organizacija za obavljanje poslova unutrašnjeg platnog prometa stava 14. („ Službene novine FBiH“, broj: 83/15“), a u skladu sa članom 36. Statuta Općine Gračanica („ Službeni Glasnik Općine Gračanica “, broj: 4/09“), Općinski načelnik donosi:

ODLUKU
o zatvaranju namjenskih računa

Član 1.

Zatvaraju se sljedeći namjenski računi kod NLB-Tuzlanske banke:

1. račun za projekat MDG-F broj: 132 180 200 951 2302 sa stanjem 0,55 KM.
2. račun za projekat Multimedijalna sala broj:132 180 200 888 8010 sa stanjem na dan 30.04.2013.godine u iznosu 0,55 KM.
3. račun za kolektivne centre za izbjegla i raseljena lica broj:132 180 031 152 3228 sa stanjem na dan 31.01.2012.godine u iznosu 3,19 KM.
4. račun za rekonstrukciju vodovoda u MZ St.polje broj 132 180 200 503 0611 sa stanjem na dan 31.01.2015.godine u iznosu 277,73 KM.
5. račun za Projekat razvoja općine broj 132 180 200 744 5717 sa stanjem na dan 31.01.2015.godine u iznosu 4.695,05 KM.

Član 2.

Sredstva sa računa prenijeti nalogom na transakcijski račun za redovno poslovanje otvoren kod NLB-Tuzlanske banke broj 132 180 029 5500089.

Član 3.

Odluka stupa na snagu danom donošenja, a objavit će se u „Službenom glasniku Općine Gračanica“.

Član 4.

Za sprovođenje ove Odluke zadužuje se Računovodstvo.

Dostavljeno:

1. Naslovu
2. Evidenciji
3. Arhivi

OPĆINSKI NAČELNIK
Nusret Helić, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKI NAČELNIK

Broj: 02-05-02318-2015
Gračanica, 09.09.2015 godine

Na osnovu člana 15. Zakona o principima lokalne samouprave Federacije Bosne i Hercegovine („Službene novine FBiH“, broj: 49/06 i 51/09) i člana 36. Statuta Općine Gračanica („Službeni glasnik Općine Gračanica“, broj: 4/09), a u vezi sa odredbama Memoranduma o razumjevanju između USAID/SIDA Projekta unapređenja lokalnog razvoja (GOLD) i Općine Gračanica od 10.04.2014 godine, Općinski načelnik, d o n o s i

R J E Š E N J E

o imenovanju stručnjaka za lokalni ekonomski razvoj općine Gračanica

I

Mirza Hodžić mr.nauka, savjetnik Općinskog načelnika za mlade, imenuje se za stručnjaka za lokalni ekonomski razvoj (LER) općine Gračanica.

II

U skladu sa Memorandumom o razumjevanju, imenovani LER stručnjak će:

- biti primarni kontakt Projekta u svrhu uspostave efikasne i održive jedinice za LER;
- imati ulogu koordinatora odnosno osobe za vezu sa Projektom;
- raditi zajedno sa Projektnim osobljem na kreiranju LER mjera i strategija;
- razvijati i povezivati mehanizme za podršku LER-u;
- kordinirati sa interesnim stranama;
- identificirati i pratiti potencijalne prilike za investiranje (kako domaće, tako i strane);
- kreirati bazu podataka o potencijalnim investitorima sa kojima je potrebno održavati kontakte, te
- predstavljati Općinu na svim forumima koji su povezani sa ili podržavaju LER.

III

Za poslove i zadatke iz tačke II ovog Rješenja, imenovani LER stručnjak će:

- imati prioritet u dobivanju potrebnih informacija, te
- neposredno koordinirati sa Općinskim načelnikom.

IV

Ovo rješenje stupa na snagu danom donošenja.

DOSTAVITI:

- Imenovanom
- Evidenciji
- a/a

OPĆINSKI NAČELNIK

Nusret Helić s.r

S A D R Ž A J

I – AKTI OPĆINSKOG VIJEĆA

1. Odluka o obrazovanju i imenovanju Drugostepene komisije Općine Gračanica.
2. Zaključak o Odluci o utvrđivanju platnih razreda i koeficijenata za plaće, dodataka plaće i naknada plaće uposlenika Općine Gračanica.
3. Zaključak o prihvatanju Izvještaja o provođenju Odluke o javnim parkiralištima na području općine Gračanica s programom upravljanja parking prostorima za period 2016.-2020.godina.
4. Zaključak o usvajanju Izvještaja o provođenju Lokalnog akcionog plana zaštite životne sredine (LEAP) Općine Gračanica 2012-2017. za 2014.godinu.
5. Zaključak o prihvatanju Informacije o stanju putne infrastrukture na području općine Gračanica.
6. Zaključak o prihvatanju Informacije o realizaciji projekta „Regionalna sanitarna deponija Doboj.
7. Rješenje imovinsko-pravne službe (Mujkić Semka iz Gračanice).

III – AKTI OPĆINSKOG NAČELNIKA

1. Odluka o usmjeravanju neplaniranih grantova/donacija u budžet Općine Gračanica za 2015. godinu na ime programa “Ekonomsko osnaživanje socijalno i materijalno marginaliziranih osoba kroz proizvodnju povrća u plastenicima”.
2. Odluka o usmjeravanju neplaniranih grantova/donacija u budžet Općine Gračanica za 2015. godinu na ime programa “Izgradnje saobraćajnice koja povezuje magistralni put M4 i sočkovački put u MZ Gračanica”
3. Odluka o provođenju redovnog godišnjeg popisa i formiranju popisnih komisija za popis na dan 31.12.2015.godine.
4. Odluka o zatvaranju namjenskih računa kod NLB Tuzlanske banke.
5. Rješenje o imenovanju stručnjaka za lokalni ekonomski razvoj Općine Gračanica (Mirza Hodžić)

SLUŽBENI GLASNIK OPĆINE
GRAČANICA

BROJ: 13

GODINA: 2015

IZDAJE: OPĆINA GRAČANICA

UREĐUJE: Stručna služba Općinskog vijeća

TIRAŽ: 30 primjeraka

ADRESA: OPĆINA GRAČANICA
Stručna služba Općinskog vijeća

TELEFON: 035 / 700-800
Lokal: 816

FAX: 035 / 706-679

